


www.BibleForChildren.org

Mbulembu 3




Tɔbudu iya bụ; nwoke ono
gụa nyee ya ono l'vu; noo
kele ọo-buru ne ọha l'ophu.




Agwọ bụ anụ, shi kakọta ẹregede
l'anụ-ẹgbudu, Chipfu, bụ Chileke
meshiru l'ophu. Noo ya; ọ sụ nwanyị
ono: “Chileke ?ọ sụkpooru g'ọ tọ
dushi akpuru oshi, nọ lẹ mgbabu-a,
unu e-rije tọ?”




Nwanyị onọ sụ
agwọ onọ: “Anyi
e-rijekwa-a akpuru,
shi l'oshi, nọgbaa lẹ
mgbabu-a. Ọ kwa akpuru oshi ọphu nọ
l'echi mgbabu bẹ Chileke sụru g'anyi te
erishi; mbụ g'anyi te emekwa
iya ẹka ememe ọphu;
l'anyi -denyi iya ẹka bẹ
anyi a-nwuhukwa.”



Agwọ ọbu sụ
nwanyị ono: “Ọ tọ
dụkwa anwụhu, unu
anwụhu. Ọ chia lẹ
Chileke maru lẹ unu -ria ya; ẹnya asahụ
unu; unu adụ gẹ Chileke; maru iphe, dọ
ree waa ẹjo-iphe.”



Nwanyị ono bya elee ụnya l'akpuru
oshi ono; bya ahuma l'ọ dụ ree k'eriri;
bya amakwapho mma ele ụnya;
teme ọ nọdu agụkwa iya pho ẹgu g'o
ria akpuru oshi ono maru iphe. Ọ
wọta iya ria bya
anụkwapho ji iya,
ephel'iya tuko
nọdu l'eka ono;
o rikwapho.



Enya tuko sahuchaa ephe-nebo; ephe
maru l'ephe gba oto. Ephe dzukobe
ekwo oshi figu nmaru.






Chipfu,
bụ Chileke
bya ekua Ádamu;
sụ iya: “?Bụ awe be ị nọ?” Ádamu sụ
iya: “Mu nụmakwaru ụkporo ngu le mgbabu ono; mu je
eworu onwomu domia l'eka ndzụ agụ mu; kele mu gba
oto.” O sụ iya: “?Bụ onye sụru ngu l'ị gba oto? ?Ti
riakwaru nụ akpuru oshi-a, mu sụru g'i ti rishi-a?”




Ádamu sụ iya: “Ọ kwa nwanyị-a, i doberu mu l'iya
l'ẹka-a bẹ woru akpuru, shi l'oshi ono nụ mu; mu
ria.” Chipfu, bụ Chileke bya ajia nwanyị ono
sụ iya: “?Denu g'ọ nwuru i meru iphe,
dụ nno?” Nwanyị ono sụ: “Ọ kwa agwọ
gbaberu mu ẹregede; mu je erinaa ya.”





Ọọ ya bụ; Chipfu bụ Chileke chifu iya
lẹ mgbabu Édenu; g'o je ejeahaa ozi
l'alì, bụ ẹka e shi wota ẹja kpua ya.




Ọ chifuchaepho
nemadzu le mgbabu ono; ọ bya
eje l'uzo ẹnyanwu-awawa ke mgbabu
Édenu ono; bya eworu ojoziimigwe,
bu Chierobu dobe iya; bya edobe
iya oguechi, charu gbarara; teme
ọ nọdu egbu swiiswiiswii iphu
l'azu g'o chee
uzo, e shi eje
l'oshi ndzu pho nche.




Ádamu bya ejepfu nyee ya, bụ Ivu; ọ tsuta ime; bya anwụa Kénu. Ivu sụ: “Chipfu yewaru mu ẹka; mu nwụa nwa nwoke. E mechaa; ọ bya anwụa nwune iya, bụ Ebelu. Ebelu bụru onye nweru aturu; waa egghu; Kénu bụru onye akọ opfu.”




A nonyaa; Kénu hata mebyi iphe, shi l'alì gude je g'ò nù
Chipfu. Obenu lẹ Ebelu hataru aturu ivuzo, aturu iya
nwushiru gbua; bya ebuta iya eka o
tsuru eba; je anu Chipfu. Ebelu yee
iphe, o nuru du Chipfu ree; o nata iya.
O jika Kénu yee iphe, o nuru iya. Ehu
ghuahaa Kénu eghe; o woru iphu
gbanwube.



Tɔ̀budu iya bụ; Kénu sụ nwune iya Ebélu: “G'anyi je l'ẹ́gu.” Ẹ́phe jeshia; ẹ́phe rwuépho l'ẹ́gu; Kénu zụ́pyabe nwune iya Ebélu gbua.




Noo ya; Chipfu sụ Kénu: “?Denu nwune ngu Ebelu?” O
sụ: “Mu ta amakwa. ?Mu echekwanyu nwune mu nche?”
Oo ya bụ; Kénu tughua lufu l'iphu Chipfu;
je eburu l'alì Nodu, nọ l'uzo
enyanwu-awawa Édenu.



Noo ya bụ; Ádamu byakwa bya ejepfu nyee ya ọzo; ọ
bya anwụa nwa nwoke; bya eworu iya gụa Setu sụ:
“Chileke nụwaru mu nwa nwoke ọzo,
a-nọ-chi ẹn्या Ebelu; eshi ọphu
Kénu gburu onye k'ono.”



A nwụchaa Setu; Ádamu bya anọfua ụnu apha labo. O
nwụshikwapho unwoke yee ụnwanyi tsoke Setu.
Mkpako apha, Ádamu nọru buru ụnu apha
labo l'ụkporo apha ishii l'apha iri;
bya anwuhu.




Chipfu bya elee ɛnya hɔma g'ɛjo-ememe
nemadzɔ habewa shi lɛ mgboko; l'iphe,
obu phɛ anɔdujeeppo arɪ bɔ g'ɛphe
e-shi mee ɛjo-iphe tekenteke.




Chipfu sụ: “Mu e-meḗpho gḗ nemadzụ, mu
meru dobe l'eliphe chíhu. Nemadzụ
a-chíhu; mḗ anụ; mḗ iphe, awụ l'ḗpho;
waa ḗnu, ephe l'eli; keḗle ọ bụwaa
aphụ tsoru mu lḗ mu
meru phḗ dobe.”



Obenu lẹ Nuwa bẹ dụ Chipfu l'obu. Nuwa ono
nwutaru unwegirima unwoke ẹto, ẹpha phe bu
Shemu; yẹe Hamu; waa Jiafeti.



Lẹ Chileke yekwaru ndiphe obu;
yetabe iya k'ophu o nuru Nwa lanu,
o nweru kpoloko: g'oburu onye
kwetaru nkiya; onye ono taa
ladu l'iswi; o nwechiaru
ndzu ojejoje.



Romu 3:23 kele onyemonye mewaru iphe-ẹji; shi nno nafu onwiya odu-biribiri ke Chileke.

Romu 6:23 Ugwo, aanata l'iphe-ẹji bukwa anwuhu; iphe-oma, Chileke eme bukwanuru ndzu ojejoje ophu shi Nnajiuphu anyi, bu Jizosu Kéreshi l'eka.

Hiburu 9:27 Iphe, duru onyemonye bu l'onyemonye nwuhufutaje akpo lanu; o nwuhuchaa; iphe ozo, e-mefuanu bu le Chileke e-kpe iya ikpe.

Efesosu 2:8,9 Oo l'oo le Chileke menukaru eze-iphe-oma meru g'o gude o dzoo unu. Adzodzo ono shi l'ekweta, unu kwetaru ke Kéreshi; o to bukwa unu be o shi l'eka; o buepho iphe-oma, Chileke meru unu ke mmanu; ophu o budu iphe, e setaru l'akanya; g'o to dukwanu onye e-gude iya wata eku onwiya.



Romu 10:9,10 Teke ọ bụ l'i gude ọnu ngu pfua ya hoo haa
l'ọo Jizọsu bụ Nnajiuphu ọbu; bya egude ọkpoma ngu g'ọ
ha kweta lẹ Chileke meru iya; o shi l'ọnwu teta dzuru ndzụ;
l'a dzọo ngu. Onye gude obu iya g'ọ ha kweta; Chileke
agụa ya l'onye pfuberekoto; ọ bụru ọnu bẹ eegudeje pfua
kẹ Kéreshi hoo haa; l'adzo onye ọbu.

Jionu 3:16,17 Lẹ Chileke yekwaru ndiphe obu; yetabe iya
k'ophu ọ nuru Nwa lanu, o nweru kpoloko: g'oburu onye
kwetaru nkiya; onye ono taa ladu l'iswi; o nwechiaru ndzụ
ojejoje. Iphe, Chileke yedoru Nwa iya g'ọ bya lẹ mgboko-a
ta abukwa g'ọ bya anmaa ndiphe ikpe. Ọ kwa g'ee-shi iya
l'eka dzọo ndiphe.



1 Jionu 5:11-13 Ekebe ono bu le Chileke nuru anyi ndzu ojejoje; waa le ndzu ono bu l'ehu Nwa iya be o shi. Onye yee Nwa iya ono tugbaru buru nanu be nweakwa ndzu ono; ophu onye yee Nwa iya ono atugbaduru buru nanu enwekwanu ndzu ono. Su-a; iphe-a, mu ede-a bukwa unubedua, unu le Nwa Chileke tugbaberu buru nanu-a be mu ederu iya; g'unu amakwanuru l'unu nwewaru ndzu ojejoje ono.



Mbulembu 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Izii Bible (izz) © 2014, Wycliffe Bible Translators, Inc. All
rights reserved.

<https://live.bible.is/bible/IZZTBL/GEN/1>

©2026 Bible for Children, Inc.

www.M1914.org

www.bibleforchildren.org

